



**D. D. Emanuelis Gonzalez Tellez, In Inclyta Salmanticensi
Academia Collegii Majoris Conchensis Alumni, &
antiquioris vespertinæ Sacrorum Canonum Cathedræ
proprietarii Interpretis; in Pinciano Sanctæ ...**

Additis Notis uberioribus ab Historia, & Chorographia

Complectens Librum Qvintum

**González Téllez, Emanuel
Francofurti Ad Moenum, 1690**

Caput XIV. a Alexander III.

[urn:nbn:de:hbz:466:1-74544](#)

tres in Concilio Carthag. sub Honorio, & Theodosio, cap. 40. ibi: *Primitia antem mellis, & laetis (ut mos est) offerantur uno die consuetum ad infans innum misterium.* In eadem etiam Synodo can. 99. damnatur quædam Armenorum consuetudo, solebant enim Armeni dissecatarum pecudum membra in templum inferre, & coram facris alitaribus partem unicusque distribuere. Verba hæc sunt: *Hoc quoque in Armenorum regione fieri didicimus, quod quidam intus in sacris altaribus carnium membra coquentes frusta offerunt sacerdotibus, ea judaicè distribuentes: quocirca Ecclesiam immaculatam servantes statim, nulli licere sacerdoti separata carnium membra ab offertenibus accipere, sed iis sint contente, quo offerenti vias fuerint, ejusmodi oblatione facta extra Ecclesiam.*

4. *e Fidelibus.*] Plures enim sunt Christiani, quorum oblationes non recipit Ecclesia. Concil. Lateran. sub Alexandro III. cap. 25. ibi: *Vjurariorum manifestorum oblationem ne quis accipiat, qui autem accepit reddere compellatur.* Et c. de sensu. Concil. Troleian. can. 7. Generaliter panperes vexantium, aut opprimentium oblationes non recipiantur. Et cap. oblationes, 90. dist. ubi rejiciuntur oblationes fractarum dissidentium. Etiam non admittuntur oblationes hereticorum, c. excommunicatus. 13. de heretic. raptorum rerum Ecclesie, c. 2. de raptoribus, ubi notavi; nec eorum, qui presbyterum in testamento filii suis tutorem inscriperunt. D. Cyprianus epist. 27. Nec eorum, qui neglecto pietatis officio filios suos exheredarunt, c. final. 17. q. 4. D. Augustinus epist. 2. lib: Profiteor me suscipere oblationes bonas, oblationes sanctas, si quis autem irascitur filio suo, & moriens eum exheredat, si vivet, non cum placarem, non cum reconciliare deberem. Quomodo ergo filio suo volo ut habeat pacem, cuius appeto hereditatem. Idem D. Augustinus epistola 187. similiter fateatur se non admisisse oblationes ejus qui contra iunctunitatem ecclesiasticam aliquem ex Ecclesia abiit. ibi: *Oblatio domus tuae a clericis non suscipiatur.* Tandem impiorum oblationes ab Ecclesia rejiciuntur, c. non est putanda 1. q. 1. cap. minor 17. q. 4. Petrus Damiani epist. 36. ibi: Enim vero dona ab iniquis suscipere quid aliud est, quam propriam autmam ex dantis squalore fidare. Nec etiam oblatio admittitur ejus, qui non communicat, can. 8. Concil. Illiber. ibi: *Piscopum placuit ab eo, qui non communicat, munera acipere non debere.* Nec illius, qui penitentiam sollemnit, facit, cap. de viro 12. q. 2. ibi: *Secundo vero anno ante fores Ecclesie sine communione maneat: tertio vero anno Ecclesiam ne ingrediantur, & inter audientes adfert sine oblatione.* Et cap. eos quos, de consecrat. dist. 4. Concl. Ancyran. can. 5. Illerdense can. 9. plura dedi in

d. cap. 28. Concilij Illiber. Nec etiam excommunicati. D. Clemens lib. 3. confit. cap. 8. & lib. 4. cap. 6. Nec etiam ejus, qui à sacerdote aliquā censurā ligatus fuerit. Synodus Nicæna can. 27. in editione Pisana, ibi: *Quicunque fuerit a sacerdote ligatus, quamvis calumniam passus sit, non est ab eo accipienda oblatio.* Item nec ejus qui sibi mortem concivit. Concil. Altissiodorensse can. 17. ibi: *Quicunque se propria voluntate in aquam jacaverit, aut collo ligato se sustenderit, aut de arbore precipitaverit, aut qualibet occasione voluntarie se morte tradiderit, istorum oblatio non recipiantur.* Concil. Brachat. 1. can. 34. Nec etiam mulieris, quæ menstrua patitur. Concil. Moguntin. cap. 6. Omnia enim istorum oblationes non recipiuntur, quia ut ait Cicero lib. 2. de legibus, donis impij ne placare audeant Deos.

5.

f. *Per Potestatem.*] Oblationes enim fidelium ritè factas in Ecclesia olim Episcopus recipiebat. Symmachus Pontifex in 6. Synodo Romana, ibi: *Oblationes fidelium à nemine percipientur absque censu, & voluntate Episcopi, in cuius digno cunctur esse parochia, & potestate.* Et cap. in canonibus 57. 16. q. 1. Concil. Aurelian. 3. can. 5. ibi: *Si qua oblationes in quibus liberte rebus, atque corporalibus collatae fuerint Basilicis in civitatibus constitutis, ad potestatem Episcopi redigantur.* Plura Antonius Aug. in epit. lib. 15. tit. 21. E: post divisionem parochiarum ad proprium parochum oblationes spectant. Synodus Bituricensis. can. 12. Presbyteri oblationes, vel lumina maria, que eis ad manus offeruntur tanquam propria sua habeant. Et cap. quia sacerdotes, c. sanctorum 10. c. 1. Leander dicta disp. de oblationibus, q. 9. Laici verò eas accipientes graviter puniuntur in Concilio Romano sub Calixto, cap. 14. ibi: *Sanctorum Patrum canonibus consona sentientes, oblationes de sacratissimo, & Reverendissimo altari Beati Petri, & Salvatoris, & Sancte Maria Rotunde, aut de altis Ecclesiarum altaribus, sive crucibus à laicis auferri penitus interdicimus, & sub pena anathematis prohibemus.* Et cap. perveniens 16. quest. 7. Circum religiosos, an videlicet oblationes in suis monasteriis factas recipere possint, non contentiunt interpres. Et eas ad parochos spectare, docuerunt Trullench. lib. 3. in Decal. cap. 3. num. 13. Azor tom. 1. in st. lib. 2. cap. 17. Sed contraria sententia verior est, probaturque expreſſe in cap. 1. de statu monach. cap. nimis de excessibus Pralat. & variis privilegiis id fere omnibus religionibus concessum fuisse probat Leander ubi supra, quest. 10. Ex oblationibus tamen factis occasione funerali, quartam partem parrocho deberi iam probavi in cap. 1. de sepultur. Vnde patet rectè in praesenti doceri oblationes, in Ecclesia factas non posse per Potestatem secundarem usurpari.

CAPUT XIV.

a Alexander III.

Quæsivit à nobis tua fraternitas, utrum sacerdos uno clerico tantum præsente^b in firmum debeat ungere, & quando festum beati Matthiae in anno bissextili debeat observari; præsertim cum quidam inter vigiliam, & festum velint diem interponere. Nos itaque tibi duximus respondendum, quod Sacerdos uno præsente clerico, & etiam solus infirmum ungere potest.

NOTÆ.

NOTÆ.

- I. **A**lexander III.) Ita etiam legitur in prima collectione, *sub hoc tit. cap. 9.* & post Concilium Lateran. p. 50.c.21. nullibi tamen exprimitur cui Prælato referat Pontifex. Conclit ad didic *Carnotensis Episcopo*, cui assentire videtur Antonius Augustinus in presenti, qui *ex lib. 14. Regestri ipsius Pontificis citat textum hunc lib. 27. epist. juris Pontif. tit. cap. 8.* De diœcesi Carnot. non nulla adduxi in *cap. II. de officio deleg.*
2. **b Infirmum.** Subjectum enim capax hujs sacramenti est tantum fidelis infirmus de vita pericitans, ut constat ex epistola canonica D. Iacobi, c.5. *Infirmatur quis in vobis.* Et epistola I. Innoc. Pa-pæ ad Decentium, *cap. 8. c. unic. de sacra unctio-*ne. Concil. Mogunt. relatum in c. ab *infirmis* 9. 7. Aquiſgran. 2. sub Ludov. p. 3. *cap. 5.* Concil. Cabilon. sub Carolo can. 48. ibi: *Secundum B. Iacobi Apostoli documentum, cui etiam decreta Patrum conso-*nant, *infirmi oleo, quod ab Episcopo benedicetur, à presbyteris ungū debent. Florent. in decret. de sa-*crament. vers. 5. ibi: *Hoc sacramentum nisi infirmo,* de cuius morte timetur, *dari non debet.* Trident. *diff. 1. 4. de sacra. c. 3. & c. 2.* ubi video hoc sacramen-tum appellatur sacramentum exequitum. Probant Theologi scholastici in 4. *diff. 23.* ubi D. Thomas q.2. art. 2. Paludanus q.4. Richardus art. 2. 9. 7. Suarez tom. 4. in 3. *diff. 42.* Summista de hoc sacra-mento agentes. Unde cognoscitur quām absurdē nonnulli heretici sacramentum hoc contulerint defunctis, ut tradit Serarius in opusc. de hoc sacra-mento, *cap. 3. n. 56.* & constat ex Epiphanius heresi 36. qui descripsit Sirenum *lib. 1. epist. 8.* ubi docet, eos oleum aqua mixtum capit defuncti immisisse, ex quo fieri aiebant, ut defunctus à dæmonum pote-stare eriperetur: sed esse apertam stoliditatem, iam probavit Theophilus tom. 15. in *Heteroc. spirit. 2. p. sec. 1. punct. 10. in fine.* Nec cuilibet infirmo ad-ministrari debet hoc sacramentum, sed graviter pericitanti febri, vulnere, vel alia infirmitate naturali: non tamen conferri debet alii etiam existentibus in viræ discrimine, veluti ultimo supplicio damnatis, navigantibus, prægnantibus, & similibus. Unde improbada est falsa pietas quorundam Græcorum, quod hoc sacramentum conferat bene valen-tibus, si illum flagitaverint in remissionem pecca-torum, ut tradit Franc. Richardus *lib. de expedit. ad insulam S. Irenai. cap. 12.* quam heteroclefin refert, & reprehendit Theophilus Raynaud. tom. 16. in *heteroc. punct. 12. fol. 164.* qui etiam reprehendit nimiam tarditatem aliquorum, qui ne mors acce-leretur territo ægro, illud conferunt pœnæ jam mortuis: cum ut sacramentum hoc ritè admini-straretur, debeant esse infirmi in eo statu, ut possint effectum vitæ, si illis expedit, consequi, alias si ita mortui proximi reperiantur, ut naturaliter vivere ne-queant, erit tunc petere miraculum à Deo.

COMMENTARIUM.

3. **E**x prima parte hujs textus talis communiter deducitur assertio: *Presbyter etiam unus potest ministrare sacramentum extreme unctionis.* Pro-bant eam textus in *cap. illud. 95. diff. cap. unic. in princip. de sacra unct. c. 2. de offic. Archipresb. cap. presbyteri 4. 95. diff. cap. presbyteri 123. cap. omnis 124. de confecr. diff. 4. cap. ab infirmis, in fine 27. 9. 1. Concil. Cabil. s. b. Carolo can. 48. cujus verba suprà retulit: Concil. Aquiſgran. 2. sub Ludovico part. 1.*

cap. 8. & p. 3. cap. 5. alia juris testimonia congerit Ant. Augustinus in epist. juris Pont. p. 1. lib. 27. s. i. 1. illu-strant ultra congettos à Barboſa in praesenti, Lay-man. tom. 2. moral. lib. 5. tract. 8. Bellarmin. tom. 3. de extrema unct. cap. 8. Suarez de sacram. diff. 43. s. b. 1. Bonacina eod. tract. diff. 7. q. unic. puncto 4. plures congetti à Diana part. 8. tract. 1. refol. 56. Leander tom. 1. de sacram. diffut. 4. quæst. 1. & 7. Mendode clavibus Petri lib. 4. cap. 4. fol. 557. Arcud. lib. 5. de Sacram. cap. 3. Casal. de ritu Eccles. cap. 32.

Verum hæc assertio difficilis redditur sequenti 4. juris consideratione; nam plures presbyteros de impug-nare sacramentum hoc administrare, constat ex natu-epistola B. Iacobi; *cap. 5. ibi: infirmatur quis in vo-*tradiita bis, educat presbyteros Ecclesia. Quare in Ecclesiæ assertio Orientali consuetudo est, ut septem presbyteri sa-cramentum hoc extrémæ unctionis infirmis confe-reant, ut ex Simeone Thessalonicensi epist. 3. *cap. 3.* & alius probat Serarius in opusc. de hoc sacramento, *cap. 12. num. 123.* Igitur non rectè in praesenti asseritur, presbyterum tantum unum posse sacra-mentum hoc administrare.

Quæ dubitandi ratione non obstante vera est 5. prælens assertio, pro cuius expositione sciendum est, premissis quæ de hac unctione extrema adduci biter in *cap. unic. de sacra unct.* ministrum proprium hu-jus sacramenti esse presbyterum. Riculus Senon. Episcopus in sua constitutione, quæ extat tom. 24. Concil. can. 10. ibi: *Item opörerit ut presbyteri infirmos menti-los post confessionem, & reconciliationem oleo, & laude ti. perungant, & tunc eos communicent.* Et quamvis nomen presbyteri apud Gracos idem soner, quod apud Latinos senior, ut probat Caesar de Eccles. hierach. *diff. 8. §. 1. num. 2.* & propterea sit aquivo-ca significatio, *cap. 2. de cohabit. clericis. ibi: Si quis sacerdotum, id est presbyter, Diaconus & Subdiaconus, &c.* quia tamen ab Ecclesiæ determinatum est, ut presbyteri appellatione sacerdos comprehendantur, ideo dicendum est ministrum ordinatum hujs sacramenti esse tantum sacerdotem, ut diffinitum est à Tridentino *ubi suprà.* Nihil tamen interest, an presbyter sit major, veluti Episcopus; vel mi-nor, ut simplex sacerdos: quippe sacerdotum ordo bi-partitus est, ut scribit Anacletus Pontifex epist. 3. *cap. 1.* majorum scilicet, & minorum, *cap. legi-mus 93. diff. cap. presbyter 5. 95. diff. Trident. diff. 13. cap. 7.* Si competit presbyteris majoribus, id est Episcopis, hujs sacramenti administratio, *cap. illud. 95. diff. 4.* Leander de sacram. ubi *suprà. qual. 3.* & quamvis Glossa in *d. c. illud. verbo Chrmate.* existimet Episcopos debere infirmos ungere cum chrmate, ad differentiam aliorum sacerdotum, qui oleo tantum uituntur, verius tamen est, Episcopos potius ministrare debere hoc sacramentum oleo tantum, ut materia ordinaria. Vander. de sacram. *tract. 4. diff. 4. 9. 9.* Unde quamvis magna detur ne-cessitas, si non adsit sacerdos, qui infirmum ungat oleo sancto, non poterit aliis etiam Diaconus sa-cramentum hoc administrare, ut post D. Thomam in supplement. 3. part. 9. 33. art. 1. ad 2. docent Nunno ad D. Thomam q. 31. art. 2. quicquid dicat Walden-sis de sacram. lib. 2. cap. penult. Sed licet quilibet sa-cerdos validè conferat hoc sacramentum, licet tamen solus Parochus, aut de ejus licentia tacita, vel expresa, alius sacerdos illud administrare val-let. Ratio est, nam hoc sacramentum per modum medicinæ, non per modum judicii administratur. Trid. *diff. 14. de extrem. unct. c. 1. 2.* & 4. ergo ad il-lud validè conferendum non desideratur jurisdictione in ministro, sed potestas ordinis: id est autem licet

6. tradit
ur r
iudec
dendi7. Diffo
rituv
dubi
tandi

licitè tantum illud administrat Parochus, quia administratio sacramentorum ad eum tantum spectat. Clem. i. de privil. Clement. dudum, de sepultur. Batbola de off. Parochi, cap. 22. Trullench. eod. tract. cap. 7. Ergo simplex sacerdos peccabit graviter ministrando sacramentum hoc absque praedicta Parochi licentia vera, vel interpretativa. Urgente autem necessitate, & absente Parochi licet quilibet sacerdos etiam religiosus hoc sacramentum ministrare valeret, quia tunc datur licentia interpretativa Parochi, cum credibile non sit, Ecclesiam velle infirmum privare tanto sacramento. Sotus in 4. diff. 23. q. 2. art. 1. Cajetan. in summ. verbo Extrema unctio. Immò etiam Parochi præsente, & iustè nolente hoc sacramentum conferre, poterit illud quilibet sacerdos etiam religiosus ministrare, nam tunc censeretur concessa ab Episcopo licentia. Docent Suarez de sacram. diff. 54. sect. 2. n. 3. Torreblanca de iure spirit. lib. 2. c. 11. n. 28. Nec interest quod Parochus excommunicatus sit, aut suspensus, ut hujusmodi licentiam concedat. Sylvester in summa. verbo Extrema unctio, qu. 4. Possevinus de off. curat. c. 9. q. 7. n. 17. Suarez d. sect. 3. An vero urgente necessitate possit ipse parochus excommunicatus licere sacramentum hoc administrare, quæunt Moralitæ. Negant Suarez dict. sect. 3. n. 6. Bonacina de hoc sacramento, quæst. unic. punct. 4. n. 4. Villalob. in summa. difficult. 6. n. 6. Torreblanca d. c. 11. n. 28. Affirmant Nunno ad D. Thomam dict. q. 31. art. 3. difficult. unic. Zaniana, Possevinus, & alii, quos refert, & sequitur Diana, 5. part. tract. 3. resol. 81. & 89. qui moventur ex eo, nam in mortis articulo sacerdos etiam excommunicatus potest licitè à peccatis absolvere: ergo, & extremam unctionem ministriare. Accedit, nam tempore interdicti licitè administratur hoc sacramentum, cap. quod in te. de penit. & remiss. Ergo facilius urgente necessitate poterit ministrari à Parochio, etiam suspenso, vel excommunicato.

6. His suppositis ratio præsentis assertionis ex eo provenit, nam cum sacerdos sit verus & legitimus hujus sacramenti minister, non indiget alius presbyteris de necessitate sacramenti ad ejus administrationem: docuit D. Thomas contra Gentes c. 83. in fin. dum scribit: Quia hoc sacramentum perfectæ curationis effectum habet, & in eorequiritur copia gratia, competit huic sacramento, ut multi sacerdotes interficiantur, & ut orationibus Ecclesia ad effectus hujus sacramenti adjungentur: unde D. Iacobus dicit, inducat presbyteros Ecclesia, & oratio salvabit infirmum. Si tamen unus solus presbyter adhuc intelligitur hoc sacramentum perficere in virtute ipsius Ecclesia, cuius minister extitit, & cuius personam gerit, Hactenus D. Thom. Accedit & alia ratio ab eodem Angelico Doctore adducta 3. p. q. 67. art. 6. nempe quod sicut principalis auctor sacramenti, qui Christus Dominus est, una persona existit, ita minister, qui ipsum representat, una tantum persona esse debet: non tamen potest minister hujus sacramenti adhibere feminam, ut sibi respondeat, ut probat contra Quintanadvennas Leander som. 1. de sacram. q. 22. dif. 4.

7. Nec obstat dubitandi ratio supra adducta ex illis verbis D. Jacobi, Inducat presbyteros. Nam in sacerdotibus frequenter sub plurali numero, non pluralis, sed singularis persona, vel personarum qualitas significatur, ut apud D. Lucam cap. 17. ibit 100. & ostendite vos sacerdotibus; id est cuiuslibet de sacerdotibus. Et D. Paulus ad Hebreos c. 11. vers. 83. ait: Obturaverunt ora leonum. Et tamen qui ob. D. D. Gonzal. in Decretal. Tom. V.

turavit ora leonum, unus fuit, videlicet Daniel. Sic D. Matthæus c. 17. & D. Marcus cap. 15. referunt latrones cum Christo crucifixos imbecillitatem illius exprobraise; cum tamen D. Luc. c. 23. vers. 39. disertè scribit: Unus autem de his qui pendebant, blasphemabat eum. Notarunt Cajetanus ibi, D. Augustinus de confessu Evangelist. c. 16. Joannes de Paiva in doctrin. sacr. Script. lib. 3. cap. 2. & lib. 15. c. 41. & lib. 17. c. 40. Unde intelligitur locus alias difficilis D. Matthæi, c. 26. ibi: Videntes autem discipuli indignati sunt, dicentes. Ubi pluralis stat pro singulari, siquidem unus tantum, videlicet Judas; indignatus fuit. Unde cum D. Jacobus d. epist. 5. ait: Inducat presbyteros, accipiens est, ut vocet unum ex presbytero. Docuerunt Serarius in dict. opusc. c. 4. n. 71. Suarez de sacram. d. disp. 43. sect. 20. n. 1. Filluciū eod. tract. c. 50. n. 90. Nec etiam obstat mos Ecclesiæ Orientalis, nam ut rectè considerant DD. ubi supra, cæteri sacerdotes prater unum ungentem, & formam præferentem superflui sunt, si intendant exequi, conficeret, aut iterare sacramentum, quo casu graviter peccabunt. Ceterum si non intendant simul conficeret, aut iterare, sed unus faciat unam, pluresve unctiones proferringendo formam, alius vero sacerdos compleat quod defuerit, poterit tunc validè ministriare sacramentum hoc à pluribus, & quandoque licet, veluti urgente necessitate infirmi, vel deficiente sacerdote, qui priorem fecerat unctionem, ut docent Henriquez lib. 3. summe. ca. 12. §. 4. & c. 13. §. 3. Suarez d. disp. 43. sect. 2. Macedo de clavib. Petri lib. 4. c. 4. Diana part. 5. tract. 3. resol. 87 cum sequen. post D. Thomam in 4. diff. 23. art. 1. quæst. unic. 2. ad 3. Quo modo accipi potest Græcorum consuetudo, vel potius, ut plures intersint, unus quidem ut ministret, cæteri vero ut respondeant.

Sed supra traditis obstarat videatur Innocent. I. in epistola 1. ad Decentium c. 8. in illis verbis: Sanè quoniam de hoc sicut de ceteris, consulere voluit dilectione tua, accepit filius meus Cœlestinus Diaconus, esse à dilectione tua petitus illud, quod in Apospoli Iacob. epistola conscriptum est: Infirmatur quis in vobis, inducat presbyteros, & orient super eum, ungentes eum oleo in nomine Domini, & oratio fidei salvabit infirmum: quod non est dubium de fidelibus agrotantibus accipere, vel intelligi debere, qui sancto oleo Chrismati perungit possunt, quo ab Episcopo confeccio, non solum sacerdotibus sed omnibus uti Christiani licet in sua, aut suorum necessitate ad ungendum. Huculque verba Pontificis, quæ inveniuntur 1. tom. Concilior. Severini pag. 752. & referuntur à Beda in c. 6. Marci, & in Conc. Wormac. can. 62. Ex quibus deduci viderunt, laicum etiam posse ungere infirmum: ergo quia presbyter tantum non est minister hujus sacramenti. Pro cuius difficultate solutione dicendum est Innocent. dum affirmat omnibus Christianis uti liceat oleo illo in sua, aut suorum necessitate, accipendum esse passivè, non activè; ita ut mens Innocentii sit, Christianos omnes uti posse oleo in sua necessitate, non ut ministri, qui sacramentum confiant, sed ut personæ, quibus sacramentum à sacerdotibus ministretur. Ita docuerunt Jansenius ad caput 6. D. Marci, Corn. à Lapide in d. epist. D. Iacobi, Bellarm. de extrema unct. c. 9. Nunno ad d. q. 31. D. Thom. art. 2. ad 4. Serarius in d. opusc. cap. 4. n. 72. Granados de extrema unct. difff. 8. n. 2. Beccan. eod. tract. c. 27. q. 9. quamvis alii minus rectè accipiant verba illa de unctione extra sacramentum, quos refert Arcadius de extr. unct. c. 2. & 4.

§.

Festum Beati Matthiae juxta consuetudinem ecclesiasticam^a vigilia eatenus præcedat, ut nec pro bissexto, nec quolibet alio modo inter se, & solennitatem aliam diem admittat. In qua utique, nisi vigilia venerit in^b Dominica die, jejunium celebretur. Ipsum autem festum, sive fiat in præsente die, vel in sequenti, qui duo quasi uno reputantur, nullus error, sed Ecclesiae consuetudo teneatur.

NOTÆ.

Vigilia.] De qua egri cap. 1 de observ. jejuni.
b Dominica.] Quo die jejunari non potest, ut probavi in d.c. 1. cap. 3. de observ. jejuni.

COMMENTARIUM.

Pro hujus textus expositione sciendum est, annum naturalem juxta Astronomicam indagationem dividi in menses, dies, horas, puncta, momenta, uncias, & atamos: constat verò naturalis annus, qui secundum diversos diversa principia habuit, ut tradidit Joannes de Sacrobosco in computo ecclesiastico, tit. de anno solari. Covarr. libr. 4. var. c. 18. n. 4. (qui & solaris dicitur, eo quod spatium temporis sit, quo sol circumiens totum Zodiacum motu proprio regreditur ad idem punctum, à quo digressus fuit) 365. diebus, & unius diei quadrante Achilles Taciū c. 19. ibi: *Annum solis appellatur ab eodem signo ad idem redentis conversio in 365. diebus & exigua insuper parte. Plato in Timo, Cenforinus de die natali c. 22. Cicero de natura Deorum, Plutarchus in Numa, Galen. ad lib. 1. Hippocrates, id est sex horis, quæ confusione vixit gratiæ integræ supponuntur, cum revera naturalis cursus solis eas integras, & completas non absument, auctore Sacrobosco ubi supra.* Ex hoc autem lex horarum spatio quoniam difficile erat eas cui libet anno continuare, singulis quadrienniis dies integer collectus, & infertus fuit: quod instituisse Imperatorum Cajum Jul. Cæarem constat ex Suetonio in eos. 40. Solino in Poliphistor. c. 3. Plutarch. in Numa, & in Cesare, Cenforino de die nat. c. 20. Macrobius, lib. 5. Saturn. c. 13. & probant Alciatus in l. cum bissexto, de V.S. Bened. Aegidius in leg. Titie, 3. p. n. 3; ff. de condit. & demonst. Itaq; ubi quadrantes diem faciebant, quod contingit quarto quoque anno, hic dies intercalabatur, id est interferebatur, & cum præcedenti confundebatur, ut ejus ratio non haberetur. Quæ intercalatio hodie fervatur ex iuri Apostolico, & ex constitutione Gregor. XIII. Pont. Max. de ordin. tempor. quæ est 74. in ordine tom. 2. Bullarii Magni. Intercalatio autem fiebat ex constitutione Cæsaris circa festum terminalium, nempe die 24. Mensis Februarii, ut prodit Macrobius d. c. 13. qui dies 24. computatione latina ita determinatur 6. Kalendas Martias. Cum ergo additius dies cum illo 24. confunderetur, ita computabant veteres, cum annus bissextilis erat, bissexto Kalen. Mart. ex quo bissexti appellatio fluxit post in-

tercalationem Julii Cæsaris, ut colligitur ex Macrobius, & Cenforino ubi proximè. At verò ante Jul. Cæarem, cùm annus constaret ex statuto Numæ 354. diebus, quatuordecim integri dies intercalabantur ad finem mensis Februarii, & ita eveniebat, ut cuncti hi dies cum ultimo pro eodem die superarentur, nec numerum augerent; tunc verò non dicebatur bissexum, sed mensis intercalaris, dupli ratione. Prima, quia non fiebat intercalatio in sexto die ante Kalend. Martias, sed in posteriori die Februarii. Secunda, quia non unus dies cum alio intercalabatur, qui efficiunt binarium numerum, sed aliquando 14 aliquando plures, itaque bissexi appellatio fluxit à computatione Jul. Cæsaris, nec ab antiquioribus Consultis cognita fuit. Quæ latius prosequuntur Budæus in notis prioribus ad Pandect. in l. 3. §. minorem. ff. de minor. Rosinus lib. 4. antiquit. c. 1. Ant. Clarus Silvius ad ll. Regias. c. 5. Cujac. in l. in usucacionibus ff. de usucap. Albert. Gentil. de var. tempor. appell. c. 4. Carranza de partu. c. 12. §. 5. a princ. Aegid. Bossi. tom. I. Oper. moral. l. 2. §. 25. ex quo principi explicandi sunt textus in l. cum bares 4. §. Stichus ff. de statu lib. 1. itaq; vers. estimatio ff. ad l. Aquil. l. cum bissexto 98. anniculus 134. ff. de V.S. l. 2. ff. de divers. temp. l. in usucacionibus ff. de usucap. quas perdoctè illustrat D. Joseph. de Retes in prætermisssis aditis de usucap.

Ex supra traditis apparet verus sensus præsens textus; nam cùm dies S. Matthiae dicata sit 24. mensis Februarii, quelevit Carnotensis Episcopus ab Alexandro, cùm in anno bissextili in ea die intercalatio fiat, quæ in die esset jejunandum: Et respondit Alexander III. die 23. jejunandum esse, non 24. sive 6. Kalen. Martii, quia illa dies festiva est, nec propter bissexum mutatur. De ipso etiam festo celebrando consuluit Episcopus Alexandrum, quoniam videlicet die celebrandum esset sexto, an bissexto, an utroque, quia hi duo dies pro uno computantur, & in utroque sicut in una eademque litera Kalendarii, & nihil de solenni computatione immuratur, ut notatur in Martyrologio Romano. Et responderet Alexander, sublato omni computationis errore, posse celebrari alterutro, & his duobus diebus, quia pro uno reputantur; sed in hoc pia Ecclesiarum consuetudini standum esse. Ecclesia Hispana semper celebrat festum hoc die 24. forsitan Ecclesia Italæ his temporibus illud celebrat, ut hodie celebrat, die 25. quando annus est bissextilis. Unde manarunt versus, quos adducit Glossa in præsenti.

CAPUT XV.

Clemens III.

In iis, quæ in se ambiguitatem continent, ad Sed. Apost. ex debito recursus habetur, ad quam revera, tanquam matrem, & caput omnium Ecclesiarum, majores, & diffiliores quæstiones ab antiquis Patribus constitutum est, & mōribus utentium reclē approbatum, usquequaque conferri debere. Innotuit siquidem Apostolatui nostro, quod cum de controversia, quæ inter Magistrum Matth. & conversos Hospitalis sancti